

As pitas baixo a choiva

Ricardo Carvalho Calero

Alberto Toval



ediciones embora

Non. Digades o que queirades, os galos non son agora tan fremosos como nos tempos da miña nenez. Os galos que hoxe vexo son brancos, grises; as cristas pequeneiras e moradas, as colas como de galiña, curtas, raquenas. Cando eu era un cativo, outros galos nos cantaban. Eran unhas aves ergueitas, lanzás, maxestosas. Cristas bermellas que pandiaban co pesadume, feros peteiros, ollos acesos, colo tornasolado de lene e fonxe prumaxe, podentes azas, esporas douradas; e a cola un chafarís de lumes e de sombras, con aquelas longas prumas, corvas como caxatos, como bágoos de pegureiros, de bispos orientás.



Algo de militar, de real, de pontifical había
n-aquiles galos. Capitáns de Frandes, príncipes
idumeos, arquimandritas sirlacos: feitos todos de
lóstregos, de veludos, de arquivoltas, de arcos da
vella, de sol-pores, de roibéns. Así era o galo más
antigo que lembro. Se vivira agora, terla trinta e
cinco anos de edade, cicáis. Reinaba no curro de
aquela casa onde pasabamos o vran.



O meu paí viña os sábados. Era novo, e nos bicaba con ledicia. Merendabamos tostadas de pan con manteiga e zucré. Tiñamos una cabuxa tan garimosa e tenra que salía connosco e la tras de nós, como un cadeliño, pol-as corredoiras, cando andabamos a cazar grilos. Moito quería eu aos animás.



No curro pasaba unha grande parte do meu tempo
ollando pra as galiñas. Viaas escarabellar na terra,
en percura de vermes e miñocas. Botáballes o millo.
Recollía os ovos que anunciaban co seu alporizado
cacarexar. Cada ave tiña un nome posto por min,
i eran tan estreitas as relacions antre min i elas
que cheguei a coidar que nos comunicabamos co
pensamento, e sostiña longos diálogos mentás coas
bulidoras pitas e o seu fremoso e acougado rei.



Unha ráfega de vento, de sócato, commovéu o ar.
E unha nube moura esbaróu pol-o ceo. Laiáronse
as arbres docemente e axiña veóuse o sol. A bouta
azul fixose gris e fría.
E a choiva comezóu a caer.
Era unha choiva de vran, torrencial, esmagadora.
A terra seca bebéu arelosamente as primeiras
augas. Logo, encheita, rexeitou beber máis.
Pozas e miudos regueiros xurdiron antre a lama.
Alampóu un lóstrego. Como se un carro de patacas
emborcara a sua cárrega, a rolar, pol-o teito do
ceo, o trono se escoitóu.



Non había poleiro acaroado ao curro. Recollanse
as pitas pol-a noite dentro da casa, n-un rocho
axeitado. Aquela serán, detrás de unha fiestra,
eu ollaba chover. E de súpeto vin as pitas.

¡Malpocadas! Coas colas baixas, a chola afundida,
arrechegadas ao muro, nos recantos, esmaecidas,
murchas, tristeiras, a i-auga escorregaba por riba
de elas, teimosa, cruelmente.



Non o poiden aturar. Baixei como un lóstrego e abrinlle a porta da casa. Mais as galiñas non se moveron. Chaméinas en van. "Churras, churras". E sain ao curro, atafegado, pra adugar a grea a teito. Mais cando chegaba cabo de unha ave, ista fuxiame, e alongábase máis cada vez. Así, mollado eu mesmo ate non poder máis, púxenme a berrar e a chorar con moito desconsolo.



Na casa foi notada a miña maniobra. O meu pai
ordeóu dende a fiesta a miña retirada. Mais
¿cómo la deixar que a i-auga apodrecera os
osos dos probes animás? ¿Cicaves os catarros,
as palmonías, o reuma non esistían pra as
galiñas? Meu pai decía que as súas prumas eran
impermeabres, pero isto non o podía eu creer.
Seguín correndo detrás das pitas, como tolo.



Entón a miña aboa salu con un paraugas e pretendéu recollerme. Eu non a ouvía nen a vía, sempre a chorar e a correr tras das cativas aves. Axiña estiveron no curro a miña nai, as criadas, o meu pai, a miña tíia, todos os paraugas da casa. Corría eu tras as pitas. Corrían os paraugas detrás miña. Ate que cambeóu a táctica da perseguizón.



Convencidos de que non regresaría a casa se as galiñas ficaban fora, os mores, escindidos en patrullas, adicáronse a cazar as aves. Pouco a pouco, mentres a choiva apouvigaba os paraugas, as galiñas foron calndo nas mans das persoas e foron sendo postas ao abrigo. Moito nos dou que facer o galo. Por fin, a miña aboa atinxluno pol-a cola. Mais ao se tirar a il, esbaróu e caéu. Ficou a carón do chan con todo o corpo. Perdéo o paraugas, pero non perdéo o galo. Só entón, xa ceibes da choiva os animaliños, acollínme a teito eu, e todos os que interviran na cazata.





Malia os paraugas, estabamos todos
mollados como pitos.



Glosario:

Arquimandrita: Superior dunha comunidade monástica dos cristiáns orientais.

Azas: Ás, extremidades superiores das aves.

Bágoos: Báculos, bastóns, caxatos.

Chafaris: Fonte cun ou máis pichos por onde sae a auga a chorro.

Fonxe: Branda, mol, esponxosa.

Idumeos: Naturales do antigo reino de Idumea, entre Xordania e Israel.

Lanzás: Espigadas, dereitas como en forma de lanza, empertegadas.

Lene: Brando, leve

Pandiaban: Inchaban, inflamaban.

Pegureiro: Persoa que coida o gando.

Podentes: Poderosas, fortes.

Raquenas: Pequenas, ruíns, mesquinas, escasas.

Roibéns: (de ceos) arroibados, tirando a vermellos, avermellados.